

徐霞客遊記大觀

上海掃葉山房發行

徐氏家譜記大觀

上海圖書館藏

民國十三年孟春出版

徐霞客游記大觀

上海掃葉山房發行

民國三十三年影印



總發行所
上海市棋盤街掃葉山房

序

周官大司寇之職曰天下土地之圖周知九州地域廣輪之數
辨其山林川澤邱陵墳衍原隰之名物漢司馬子長創爲河渠
書後漢班孟堅始志地理前宋范蔚宗始志郡國自是有史即
有志沿及唐宋而郡縣有志寰宇有記凡建置沿革疆域田賦
戶口關塞險要名勝古蹟皆在所詳至於山川之源委脈絡未
必能知其曲折辨其經緯歷々如指諸掌也恭讀乾隆四十七
年刊行欽定四庫全書簡明書目史部地理類開列徐霞客
游記十二卷分注云明徐宏祖少好遊足跡幾遍天下嘗西行
數千里求河源是編皆其紀游之文舊本殘缺失次楊名時重
爲編訂曰地理區分宜爲此本是書上邀乙覽蓋能詳人所
畧爲從來史志之所未備嘉慶十一年冬筠谿徐氏曰所梓行
遊記之板歸余廷甲生平無他嗜好見書之有益於學術治道

楊氏
陳氏
游氏

者每不惜重價得之遂積全萬有餘卷丹鉛甲乙日不暇給前
既校刻楊氏全書今復得徐氏遊記板翻閱之朽蠹頗多乃借
楊文定公手錄本暨陳君體靜所校本與徐本悉心讐勘其文
之不同者已萬計其字之舛誤者已千計其文不同而義可通
者仍其舊其字之舛誤而文義不可通者不得不亟爲改正抑
徐刻分十冊與進呈之楊本卷帙不同此無從更正者且楊
陳二本於滇游日記卷首俱有提綱楊本每記有總評陳本每
記有旁批此又無從增補者惟是霞客有遺詩數十首石齋黃
公歎爲詞意高妙忍令其秘藏而弗彰乎又一切名人巨公題
贈諸什俱足已考見霞客之素履又安可不傳信於來茲乎十
三年春延梓人於家訛者削改朽者重鐫又增輯補編一卷附
於後庶幾霞客之精神面目更可傳播於宇內也雖然霞客記
游之書豈僅此哉前人謂霞客西山石門關至崑崙山窮星宿

海今所刊之本暨楊陳二鈔本其游覽日記不過至滇南雞足
山而止耳廷甲聞魏城莊氏家藏鈔本有六十卷戊辰三月往
魏訪之莊之後人云先告信有之今已散失果爾今之所刊不
過六分之一耳然一展卷而浙而閩而江右自豫而秦而荆襄
又自燕而鴈門而靈中又自楚而粵西而貴竹而滇南其所經
歷之山川靡不辨其源委脈絡而一一詳記之至土風民俗物
產亦隨地附見焉是豈獨爲山人逸士濟勝之資凡官民物爲
己任而有政教之責者周覽是書於裁成輔相左右宜民之道
不無少補焉邑前輩文定楊公久任滇黔利民之事次第舉行
人第知其學術之深醇庸詎知其於遊記一書手錄二過於山
林川澤邱陵墳衍原隰之名物早已周知也哉夾漈鄭氏曰州
縣之設有時而更山川之形千古不易霞客此書固千古不易
之書也士人束髮受書在閭戶之上而四海九州之大無所不

知然後可召出而履天下之任若僅曰此書藹卧遊勝具豈廷
甲補輯是書之志也耶

嘉慶十三年歲次戊辰四月同邑後學葉廷甲識於水心齋

徐霞客遊記大觀序

己丑仲夏將赴淮浦舟中無事展閱外舅南開先生所鈔徐霞客遊記抵寓後既終卷念其平生胼胝竭蹶歷數萬里衝風雨觸寒暑者垂三十年其所自記遊蹟計曰按程鑿鑿有稽文詞繁委要為道所親歷不失質實詳密之體而形容物態摹繪情景時復雅麗自賞足移人情既可怡悅復堪供持贈者也因手錄而存之凡兩閱月而畢曰是殆負邁俗不羈之志狂而不知取裁者與觀其意趣所寄往往出入於釋老仙佛亦性質之近使然而其為人之奇倔豪宕於斯槩見未可沒也古之殫心於天文地理之學以成名者冥搜閎奧曠覽幽遐每出於踪跡瑰異之士自非有好奇之癖亦孰肯蹈絕險赴窮荒敝精力以為之哉若其足以裨助見聞正於學者不無補也今觀國風二雅所陳禹貢職方所紀以及地理河渠諸志皆詳山川風土以為農田水利施政立教因時制宜之具其間蟲魚草木之產兼資多識聖教不廢茲非其足相發明證佐者與切而言之深山大澤流峙終古皆天地法象示人之至教本生人所應窮歷特以手足之力有限百年之期若瞬勢弗能親至而目見得斯書也苟力所可至境所適逢固可展卷披對按所已經者以為程而所未能至者亦可

以心知其槩如涉其境焉昔夫子亟稱原泉曾氏風雲詠歸蓋造物與遊所以涵泳

天機陶寫胸次案頭置此如朝夕晤名山水於几席間詎非仁智養心之善物耶抑尤有足以警心者霞客之遊也升降於危崖絕壑搜探於蛇龍窟宅亘古人跡未到之區不惜捐軀命多方竭慮以赴之期於必造其域必窮其奧而後止學者之於道也若覃思鼓勇亦如霞客之於山水則亦何深之不窮何遠之不屆且入焉而安曾無犯難輕生之虞味焉而腴非有飢渴疲憊之困其為高深美富奚啻於洞壑泉石之奇岱華江湖之大哉有志者可以觀此而興矣余既喜其書之不為無益且以其足為入道喻也爰為之序以自勗焉

康熙己丑八月癸卯同邑後學楊名時序

重錄徐霞客遊記大觀序

己丑夏秋既手錄徐霞客遊記而為之序矣重陽抵家復得友人所藏原本較之乃知前所鈔本出於宜興史氏者字多譌誤其刪減易置處輒於實境不符文意不協用歎天下之率意改竄文字而致失作者之本來如宜興史氏者為可鑒也初余錄是集之意謂存斯書也他年力所可至境所適逢可展卷披對案已經者以為程而所未能至者亦可以心知其槩日涉其趣焉若如史本則既失其真又安用之爰亟為改正添入再手謄一過以復其舊大抵霞客之記皆據景直書不憚委悉煩密非有意於描摹點綴託興抒懷與古人遊記爭文章之工也然其中所言名山巨浸宏博富麗者皆高卑定位動靜變化之常下至一澗一阿禽魚草木亦賢人君子偃仰棲遲寤言寫心之境正昔人所云取之無禁用之不竭者也雖止詳其形體區域而天地山川之性情俟人之神會而意喻者悉已寓之矣其得之多寡知之淺深存乎人耳夫造物之奇閎恆有待而發亦有待而傳有是境而人不知則此境為虛矣遊是境而默不言則此遊為虛矣霞客之前境自在天下也而無人乎知之無人乎言之即知而言之亦舉什一於千百而已設霞客於身到目歷之處唯自知之而自樂之不以紀於書而傳於世人又烏知其有與無耶然則斯書之不可沒謂天地之迹

存焉耳而況於天地之心生人之本古之聖賢心知之而身備之而推所以公於世者其遺文之可寶愛為何如哉

庚寅二月丙申朔楊名時序

書手鈔霞客遊記後

吾邑有三書皆卓絕王梧溪詩集黃蘭溪邑志徐霞客遊記是也黃志余曾得家克艱校本錄過視他本稍佳然猶間有譌字梧溪集余止草錄一過尚未謄真獨遊記校對數次並經融郊師訂正完好後有得者當為余寶之後學陳泓識

刻遊記原序

昔劉彥和著文心雕龍五十篇品藻千古經緯六合沈水部一見即
說為異書卒賴其力以傳於世迨傳之久而滅沒滋甚嘉禾雲間諸
刻無完書自錢功甫得宋槧率鈔補而後綴學之士始得見全文以
至於今不廢昌黎韓子有云莫為之前雖美弗彰莫為之後雖盛
弗傳信乎人之名之傳世而行遠莫不有為之先後者其於書
也亦若是焉已矣族祖霞客公生有遊癖凡履齒所到模範山水
積記成帙積帙成書昔人所稱為千古奇書者此也惜未脫稿而公
卒賴李君會明為之次其簡編後旋燬乎兵燹又賴公子介立訪
得義興史氏曹氏錄率參校而遊記得復成書于時名人巨公莫不
樂購其遺編當卧遊勝具卒皆以贐率傳玩而就中改換竄易者更
不一人迄今百有四十餘年雖得邑中楊凝齋先生手校於前陳
君體靜再訂於後而傳寫益廣謬落寢多蕪之俗下書傭競於此
作生活計而任意刪節撞湊一如彥和嘗夢索源之文任之使
讀者莫志漏義是可痛也乙未夏適得楊陳兩先生訂定真本比

對讐勘將手錄一通思有以信今而傳後獨念兩先生當日細意
搜討謂可存其真以永世乃轉相傳寫而訛落者已如彼刪抹者
又如此予即為之攷其缺失訂其異同又安保無沿別淮混魯
寃者或從而斷腔添豆無復有作者之真面目存歟夫是書之名
世傳世均非予小子之所敢知要使作者之精神不漸滅於煨燼
之餘更不滅沒於妄庸之手是則後人之責所萬不獲辭者也
爰急付梓庶幾後世有功甫其人或得以此比於華山槩率則
又私心之所冀幸也夫

乾隆四十一年歲次丙申秋九月孩浦族孫鎮謹序

題辭

承

示徐霞客遊記并欲補刻其遺詩具見

表彰前輩盛意謹賦五古一首奉呈

豎亥步紘埏若士遊汗漫尻車神為馬古語本
荒幻霞客乃好奇足躡天下半肩荷一襪被手
挾一油微非奔走衣食非馳驅仕宦南狎橫海
鯨北追出塞鴈水愕險灘千陸跋危巘萬曉寒
風裂膚暑雨泥沒髀渴掬懸瀑流飢拾墮樵爨
身衝魑魅過胆不豺虎憚問渠意何為曰欲窮

壯觀將成一家言親歷異遙盼註證鄙素精經
訂岳瀆誕以俟後子雲南針指一綫果有葉
保堂曠世起驚嘆購得舊板完無搜逸篇散方
興燦列眉一可覆按惜哉醫無閭作者未識
面西土梁雍州六未度雲棧
遠左及隴蜀其遺址未到
造遼瀋界久判陝蜀莽盜區更難結鞅絆

覆客遊
在崇禎中

今幸世界平萬里慶清晏保堂興既豪意氣薄
霄漢曷勿繼遐踪探奇盡禹甸歸補圖經全供
卧我遊徧嘉慶戊辰春仲甌北趙翼時年八十有二



例言

一記自萬曆癸丑託崇正庚辰原編十冊茲因卷帙繁重每冊又各分上下以便檢閱

一癸酉以前公母在堂每歲間出先事各省名山志在有方故也丙子以後公母既歿始為萬里遐征計由浙至滇遊履多在西南茲刻統以遊記名之自癸丑至癸酉合為一冊丙子至己卯分為九冊每冊首標記年月悉按霞公墓志校正

一凡隨地雜記一切風土人物事蹟諸本另作一行與日記混列茲刻凡記中比類連及者每段俱脫一字聯綴至無可比附如盤江考江源考騰邊說畧永昌志等並按省郡次第附各記之後

一是書善本竝推楊

凝體齋陳靜

茲刻全以二本作指南而又彙集各抄本參考互訂務

求愜當若截趾適履以訖定訖則吾豈敢

一凡記中原本脫落字句悉照介翁附註載明間有疑誤或係後人率意填湊無可訂正者謹按字數以方圈代之至諸本異同例應分載各句之下但恐與本文原註及介翁附註混列茲用裁附外編

孩浦徐鎮筠峒氏識